

A lingua à nobis differunt. Habet enim eorum lingua priuatim quid tum à natura tum ab ingenio datum. Diuisam enim linguam natura dedit, quæ scinditur in inferiori parte, ut ab radice duplex esse uideatur. Itaq; uaria utuntur loque latum non solum uoce hominum loquantur, sed auium diuersarum imitentur cantus. Quod uerò uidetur admirabilius, unà cum duobus hominibus perfectè simul tum respondendo tum disputando loquuntur. Vna enim linguæ parte uni loquuntur, reliqua alteri. Purum ibi esse integro anno aërem constat: quemadmodum poeta scribit, pîrum supra pîrum, malum supra malum, uua supra uitem, ficum supra ficum senescere. Esse insuper tradunt continuo diem parem nocti. Circa meridiem nullam fieri rei alicuius umbram, cum supra uerticem sol existat. Viuunt aut secundum cognationes ac cœtus; qui tamè quadringentos non excedant. Habitant in pratis, ferente absq; cultura sponte sua uberes fructus terra. Nam insulæ uirtus, aërisq; temperies terram sua sponte frugiferam ultra q; satis est, reddit. Nascuntur apud eos arundines plurimæ, ferentes uberem fructum albo eruo per similem. Hos collectos spargunt aqua calida, quoad auctus ouis columbæ magnitudinè æquet. ex his postmodum cōtrititis panem conficiunt, dulcedine præstantem. Sunt etiã in ea aquarū fontes permagni; ex quibus partim aquæ calidæ ad usum balneorum, ad curandosq; morbos manant: partim summa dulcedine frigida, quæ ad ualitudinè conferunt. Est quoq; omnium doctrinarum, maximeq; astrologiæ apud eos cura. Vtuntur literis, quas habent uiginti & octo secundum uirtutem significandi, characteres uerò septem: quarum quælibet quatuor interpretatur modis. Longissimæ sunt ætatis; ut qui annos centum quinquaginta uitam agant, et absq; aliquo ut plurimum morbo. Si quis febricitet, aut corpore eger fuerit, mori statuta lege compellunt. Non scribunt per latus, ut nos, sed à superiori parte recta linea ad inferiorem. Mos est eis ad certam usq; ætatem uiuere: qua perfecta, uariam sibi mortem sponte cōsciscunt. Gemina est apud eos herba: super quam si quis faceat, in suauem deductus somnū, moritur. Mulieres minime nubunt, sed omnibus sunt communes. Simili modo & filij educantur, communiq; amore sunt omnibus. Abducunt sapius à nutrientibus infantes, ne matres filium recognoscant. Quò fit, ut cum nulla sit apud eos ambitio, aut præcipua affectio, concordēs absq; ulla seditione uiuant. Esse insuper animalia ea in insula magnitudine quidè parua, sed natura ac sanguinis uirtute admirabili. Corpore sunt rotundo, ac testudinibus simili, duabus lineis inuicem per medium transuersis: in quarum cuiuslibet extremo sit auris & oculus: ut quatuor oculis uideant, totidem audiant auribus: unicus uentre atque intestinis, in quæ comesta confluunt. Pedes circum habent plures, quibus in utraq; que partem ambulat. Huius beluæ sanguis mirabili asseritur uirtute. Omne enim corpus concisum, dum spirat, hoc tantum sanguine, euestigio coheret. Similiter & manus cæsa, reliquæq; corporis, dum uita suppetit, partes resarciuntur, si recenti adhuc applicetur uulneri. Quisq; cœtus nutrit magnas diuersæ naturæ aues, quibus experiuntur quales filij sint futuri. Impositis enim super aues infantibus, si uolantes per aëra immoti non expauescant, educunt. Sin uerò timore ignauiaq; deficiunt, proijciuntur: ut neq; diutius uicturi, & animi exercitio inutiles. Cuiuslibet cœtus senior alijs tanquam rex, cui parèt omnes, imperat. Annis centum quinquaginta aetis, se ipsum uita ex lege priuat. post eum senior accipit principatū. Mare quo insula circumdatur, fluctuosum, & quod motus ingentes facit, dulcis est aquæ gustu. Arctus, & pleræq; stellæ quæ nobis apparent, minime ab illis conspiciuntur. Septem uerò insulæ simili magnitudine paribus interuallis eiusdem gentis legisq; existunt. Omnibus eas incolentibus quamuis terra sua sponte abundè uictum ferat, tamè his modestè utuntur. Simples enim cibos appetunt, nutrimentum quod satis est querentes: carnibus tum assis, tum elixis uescuntur; coquorū artem, uarijsq;